


OLUSHENO NEGAMENO



Oshakati Premier Electric



CONTENTS



OSHI TOPOLWA SHA A: NKENE WUNA OKUNINGA EINDILO LYOLUSHENO	3
OSHI TOPOLWA SHA B: OLUSHENO NEGAMENO	5
OSHI TOPOLWA SHA C: NKENE WUNA OKUHUPITHA OLUSHENO	11
OSHI TOPOLWA SHA D: OWE SHITSEYA NGA	13
OSHI TOPOLWA SHA E: OMAPULO HAGAPULWA OLUNDJI	14
OSHI TOPOLWA SHA F: POOMAHALA MPA TOVULU OKULANDA OLUSHENO LWOYE	15



OSHITOPOLWA SHA A: NKENE WUNA OKUNINGA EINDILO LYOLUSHENO

Okastoma oyina oku landula omilandu dhini ngele tayi ningi eyindilo lyolusheno kOPE?




OPE okuna ofoloma yomaindilo golusheno tayi adhika poombelewa dhawo mOshakati.



Talelapo ombelewa yOPE opo wuudhithe ofoloma yomaindilo. Etelela ashike okamutse koye koshilongo. Ngele ha ngweye mwene gwehala oto pumbwa ombapila tayi kupe uuthemba yaza kumwene gwehala.



OPE ohayi tumu tango omaindilo agehe omape kelelo lyondolopa yaShakati opo livule oku kwashilipaleka kutya nakuninga eindilo oye mwene gwehala mpoka puna okutulwa omayakulo golusheno. Una elelo lyondolopa yaOshakati iyamana oku kwashilipaleka, oofoloma dhomaindilo ohadhi galulilwa kOPE opo ihe puvulike okukametwa nokulongekidha ombapila yomafutilo. Ngele kastoma okwa futu , olusheno lwe ota luya litulwepo.




Oomilandu dhi dhina okulandulwa oshowo iipumbiwa mbyoka wuna oku etelela una toningi eindilo lyolusheno miitopolwa yokondje yondolopa nenge momalukanda:



OSHITOPOLWA SHA B: OLUSHENO NEGAMENO

Oshili oshidhigu okudhiladhila onkalamwenyo kayina olusheno. Ihe tse ohatu kwatwa kombepo yukwahanakonasha una tatu longitha olusheno, tse tatu fameke wo okulala ombepo. Onga ehanganano lyokutopola noku andjaganeka olusheno moomagumbo nomoongeshefa dhoka dhili mokulambo gwoongamba dhondolopa yaOshakati, Oshakati Premier Electric oyili yi itulamo mokugandja omauyelele genasha nolusheno oshowo onzo yoku gandja olusheno ndjoka yili ya inekelwa kookastoma dhayo. Shino osho ne sha etitha opo tuku ngongelepo omayele ngano se tuku kwathele opo wukale wagamenwa.



POWER
OUTAGE

1

Owuna okuninga ngiini ngele wuli modhime yolusheno?

Ngele wuli modhime yolusheno:

1ST

Shotango tala ngele okaketha koye kolusheno oko keli nenge oka gwako. Ngele ne owa adha kutya olusheno kaluko, ninga ekwatathano nOPE mendelelo ngashi tashi vullika opo wuvule okumona ekwathelo.

2ST

Konakona ngele ha egumbo ashike lyandjeni lyadhima nenge kalina olusheno. Nongele owamono kutya olyo ashike, nena inda wukatale pokaketha koye wutale ngele opulaka onene oyagwako nenge inayi gwako, nongele owa adha yagwako kambadhala wuyi shunithako. Nongele oyina epuko lyasha na otayi tsikile okugwako, konga omuntu ngoka ena uuthemba wokulonga niikwamalusheno mendelelo.

Ngele ino yelelwa kwaashoka wuna okuninga, **INO GUMA NANDE OSHINIMA SHASHA!** Ninga ashike ekwatathano nendiki lyokulopopelwa omapuko lyaOPE ndyoka hatilongo oowili o24 opo wuvule okumona ekwatho.

Nongele owatsakaneka olusheno lwadhima ethimbo lyiilonga nenge konima yiilonga, ninga ashike ekwatathano na OPE ndyoka konomola yongodhi 065-220229 nenge **065- 220745 oshowo kongodhi yoshali yo0819779** esiku keshe, ethimbo keshe.



2

Oongodhi dholusheno dhopom-banda

Oongodhi dholusheno adhihe odha nika oshiponga. Kutya nee olusheno olwadhima ino hedha nando popepi noongodhi dholusheno.

Ngele owadhidhilike oongodhi dholusheno dha hedha popepi nenge dha gwila pevi, kala kokule nadhoo oshinano shometa dhithike puhetatu ngoye to dhengele OPE meendelelo.

Ino ninga nando onkambadhala yo kukutha oshinima nenge okuguma omuntu apatekena koongodhi dholusheno. Dhengela OPE meendelelo opo wukwathelwe.

Kumika nokutsa omukumo uunona opo wudhane kokule noongodhi dholusheno.

Omiti niIhwa yamena popepi shinene noongodhi dholusheno ohadhi vulu wo oku eta edhimo lyolusheno, onkene kaleka ehala lyoongodhi dholusheno iyayela okukelela iiponga yomindilo ngashi omapeya nokukelela iiponga yo kukwata kolusheno, ano yo kushokingwa.



3

Egameno kombinga yomiti dhamena kohi yoongodhi dholusheno

Omolvashike OPE apumbwa okuteta omiti dhoka dhakoka dhapiitilila popepi noongodhi dholusheno?

- Una omiti tadhi nyenge oongodhi dholusheno, ohashi eta ooshota kookastoma nopompito dhimwe ohashi eta olusheno lugweko momudhingoloko gwaOshakati.
- Olusheno lwuukwatya wankundipala ohalu piyaganeke uukwatya wonkalamwenyo oku tamekela ashike momililo tadhi kakama, oku pitila me ehameko lyiilongitho sigo tashi eta epiyagano lyaana ehulilo molusheno.
- Omiti ngele tadhi nyenge oongodhi dholusheno ohadhi tula egameno moshiponga. Opena omiti dhimwe hadhi vulu oku kutha onkondo dholusheno koongodhi dholusheno na una omuntu agumo omuti ngono ota vulu okushokingwa nenge okukwatwa kolusheno.
- Okwi ikwatelela kokatendo kolusheno, oshili oshinakugwanithwa shaakalimo opo yanotheleko OPE kombinga yomiti dhoka tadhi koko kohi yoongodhi dholusheno.

Oshinakugwanithwa shalye oku kaleka omiti kokule noongodhi dholusheno?

Mo Oshakati, ehanganano lyOshakati Premier Electric (OPE) oIyo Iyina oku teta omiti dhoka tadhi kokelele pooha nenge kohi yoongodhi dholusheno. Alikana nothelako OPE ko 220 229 una wamono omiti dhakoka pooha nenge dhili kohi noongodhi dholusheno.

Omilandu dhini dhili mondjila okulandulwa omanga ino tetapo omiti? Aanilonga yoPE oyena nga uuthemba wokuya yatetapo omiti sha hali palombwelo lyookastoma?

Eno, oshili oshinakugwanithwa shOPE kohi yokatendo kegameno kaNamibia. Aanilonga yoPE ota yeya pomahala gaakalimo ndele taye ya yelithile onkalo omanga ina ya tameka okuteta omiti dhika.





Okupiyaganeka uuketha wolusheno nomalusheno inaga pitikwa

- Epiyaganeko lyolusheno inalu pitikwa una omuntu gontumba a adhanene mokaketha kolusheno, ano teka ningi opo kaka gandje omiyalu dhili mondjila pethimpo ta kalongitha olusheno.
- Olusheno ka luli paveta ongele omuntu gontumba okuza pehala lye agandja olusheno kumkwao eli pehala lyi ili shono shili ina shipitkwa, shili kashina egameno noshanika oshiponga, na otashi vulu oku etela opo omuntu kehe akele ashokingwa nenge akwatwa kolusheno.
- Kehe olusheno lwagandjwa okuza nenge okupittha muuketha wa OPE ndele olwagandjwa shaali pepitiliko lyOPE nena olusheno ndono olwa talikako kaluli paveta.
- Okugandja olusheno kegumbo lilwe palongitho lyoondodhi dhoka hadhi longithwa lyegumbo oshili sha nika oshiponga unene tuu ngele omuntu okwa longitha oshihupulo okutha ndele ta tete ongodhi ndjoka yili mevi tayi longo, otashi vulu okudhipaga omuntu.
- Okudhanena mokaketha nokugandja olusheno kashili pamautho otashi vulu oku kupetha eegelo, kashili paveta. Ninga ashike ekwatathano na OPE opo wu ninge eindilo lyoye paveta ngoye wu ikaleke kokule nokupewa egelo.
- Ngele omuntu okwa dhidhilike nenge ta fekele kufya peshala lyontumba opuna olusheno kaluli paveta nenge okaketha kadhanenwa nena ota vulu okunothelako OPE meendelelo.
- Omefa ya dhanenwa nenge okaketha kapiyaganekwa oshili oshiponga noka shili paveta. Omunilonga ashike ngoka ena uuthemba wokulonga olusheno okuza ku OPE ta vulu okulonga nometa oshowo nuuketha womalusheno. Ngele owa kwatwa wadhanena nenge wapiyaganeka okathetha oto pewa egelo.

Omayele geni ga pumbwa okupewa oyene yoomagumbo konakuyiwa omanga ina tameka okutsika omithi, noya pumbwa okulandula egamenompango lini?

Ino kuna nenge ino tsika omithi kohl nenge popepi noongodhi dholusheno.

Oshike tashi ningwapo ngele omuntu gumwe okwa ndopa oku longela pamwe nompango yokuteta omithi?

Ota ku kala kuna olusheno talu gwaagwaako shono tashi vulu oku eta odhime yolusheno poshitopolwa sheni. Otapukala woo ompito yokushokingwa ngenge oku kwatwa kolusheno shono tashi kala ashike shafa omuntu tanyenge koodndhi dholusheno ina lukuthwako nakehe omuntu tagumuko okuli moshiponga.

Ookastoma otadhi tseye ngini kutya omithi odha pumbwa okutetwa?

Omithi odha pumbwa okukala oshinano shometa mbali okuza poongodhi dholusheno.

Utendo wuni, nomulandu guni noompango dhini tadhi longele kumwe na OPE mokuteta omithi?

- Okatendo kegameno lyolusheno kaNamibia hoka keli ombangi yokatengo kolusheno komomumvo 2007, ota ka pula opo omithi adhihe dhikale oshinano shometa mbali okuza pongodhi kehe yina oonkondo dholusheno lwo11kV.
- Shino otashi etitha opo ondjila kehe yili kohi yoongodhi dholusheno yi kale yina uunene withike pometa mbali, opo iinima mbyoka tayi endemo kayi gume nando koongodhi dholusheno.
- Ina ku pumbiwa opo aantu, iinamwenyo osho wo lilogitho yikale moshiponga.



5

Egameni lyolusheno momagumbo

Ohashi kala shafa shina egameni ngele to longo iilonga yolusheno yanathangwa momudhingoloko gwegumbo lyoye ngashi okulundula uumbiyena wokutema. Ashikekala aluhe washilipaleka kutya opulaka ndjono yomililo megumbo oya dhima mokaketha. Elunduko kehe lyongodhi nenge ondhalate dholusheno olwa pumbwa aluhe okulongwa komuntu ena ombapila yokulonga olusheno ano omukwamalusheno. Shilipaleka kutya oopulaka dhoje adhihe odhili dha gwanamo muukololo womekuma, ngoye ino thiminikilamo nando oopulaka muukololo ngele itadhi gwanamo.

Dhima tango opulaka yomekuma omanga ino kuthamo ongodhi yopulaka.

Ino tula nando iinima ayihe hayi longo kolusheno popepi nomeya, ngoye ino yilongitha nande mokandjugo.

Kuthako tango iinima ayihe kolusheno omanga ino tameka okuyi opaleka nenge oku yi pangela.

Ino kwata nando iinima hayi longitha olusheno nenge oopulaka niikaha yatuta ngoye ino udha oshiketitha nomeya omanga shili kopulaka.

Ino tula nenge ino nyengitha iinima yanika iitenda kiikwamalusheno nenge mopulaka dhemukuma omanga olusheno inaludhimwa.

Kotokela omayiuvu gokundjondjolelwa una to kwata iitenda megumbo lyoye, ngashi oopomba dhomeya, uutemba wokuyogela niikwamalusheno ayihe. Shino ofashi vulu okukala edhidhiliko okulika kutya omuna epuko lyontumba molusheno.

Aluhe ngele tokutha opulaka mekuma hilamo opulaka yoyene ndele ino hila kongodhi omolwashoka ongodhi otayi vulu okuzamo mopulaka shono tashi vulu oku eta oshiponga kungoye mwene oshowo kaakwanezimo yoye.

Aluhe kala holesha omalombwelo gokuza kofambilika una tolanda iikwamalusheno iipe.

Konakona oongodhi dhomalusheno nawa ngoye wushilipaleke kutya kapuna nando oyimwe yina ondhalate dhili kombanda ngoye to kuthamo oongodhi kehe ya tokoka ngenge yaehamekwa.

Ngele opuna shimwe shina ongodhi yolusheno yatokoka nenge ya ehamekwa dhima kopulaka meendelelo ngoye toshikuthako kolusheno ndele ongodhi tayi pangelwa nenge kululwe ompe.

Ino tula nando oongodhi dholusheno popeni nehala mpoka hapu endwa kaantu aluhe nenge kofi yemate.

Ino kwata nando ongodhi nenge odhalate dholusheno dhatokoka nenge dha ehamekwa. Ninga ekwatathano nomukwamalusheno ano ngoka ena opambila yokupangela olusheno opo eku tulileko yimwe ompe.

Ino longitha nande oongodhi dholusheno unene dhoka dhomeni yegumbo ongo oongodhi tadhi kalele pondje yegumbo.

6

Okuyonagula nohanagulapo iilongitho yolusheno



Ino kutha nando ombinga mokuhanagulapo iilongitho ya OPE – otashi vulu shikulemaneke nenge shikudhipage sho natango otashi eta opo olusheno lukale luna ondlilo kukehe gumwe mOshakati.

Oshili iilonga yuungangala ngele oto yonagula nokuhanagula owina ukuketha womalusheno momapandanda, oongudhi dhapokati, oondodhi dholusheno, oopala, ondhalate, ukuketha wometa lomalusheno oshowo okuyakako odhalate lwolugumbo lwadingaloka iilongitho yoPE. Shino otashi vulu okwete onkalo yanika oshiponga no ekuta epiyageneko lyolusheno.



7

Okutula iinima oyindhi kopulaka yimwe yomekuma nenge yokongodhi



Oku tula iinima yolusheno kopulaka yimwe yi iliko yi ilonda kopulaka dhombululu adhindji nenge watula kurwe opulaka dhombululu adhindji otashi eta uudhigu kopulaka onene no ku eta uupyu wupifilile, oku ehameka iilongitho, nenge shi ete omulilo megumbo nenge mombelewa yoye.

Egumbo lyoye olya longelwa opulaka onene ndjono hayi guko ngele owatulako iikwamalusheno oyindji pethimbo limwe. Iinima hayi longitha olusheno oyina oWatts dhayelekwa (W or Kw). Ilonga ne kutya iilongithomwa yoye yolusheno oya yelekwa noWatts ngapi na oyinipo to vulu okulongitha pethimbo limwe ka puna shoka tashi gwithako olusheno.

8

Okulongitha iinima yolusheno pondje

Longitha iikwamalusheno aluhe kolusheno ndu lwagamenwa nenge kongodhi ndjoka yagamenwa. Ino thiga nando iikwamalusheno nenge oongodhi dholusheno pondje otashi vulika yilokelwepo.



Ino longitha iikwamalusheno nenge oongodhi dholusheno popeni nondombe yomeya nenge popepi nomeya kehe.

9

Kaleka uunona/ aagundjuka yetu yagamenwa



Oopulaka dhomekuma osho oongodhi dholusheno kadhina egameno okudhanwa kuunona. Longitha oopulaka dhegameno lyowina oku hongwa uunona kutya iinima yafa mpoka ihayi dhanenwa.



Okulongitha iinima hayilongitha olusheno ngashi ooradio, ooradio dhomuzizimba (ano otv) nenge iilongithi yomomitse popepi nomeya oshanika oshiponga.



Longa uunona woye waha dhane kohi nenge popepi noongodhi dholusheno.



Okukwata ongodhi yolusheno nenge kehe tu shoka tashi kala mekwatathano nolusheno otashi vulu oku ehameka nenge ludhipage uunona.



Uunona inawu tukitha nande shono hatu ithana ukukite popepi nongodhi dholusheno.



Ino etha nando uunona wulonde komiti dhoka dhili popepi noongodhi dholusheno.



Londodha uunona wa haye nando moositasi dholalusheno nawu kale kokule nadho.



Longa uunona woye nkene wuna okudhimbulula oongodhi dholalusheno, ootransformer oshowo oositasi dholalusheno opo yaha vule okudhanena popepi nayo.



Kala alushe noshimpwiyu oshinene una okanona koye ka tameke okukokaya nenge oku enda opo wukakaleke kokule noongodhi nenge noopulaka dholusheno.



10

Odhime yolusheno nokugwithako opulaka onene



Aluhe kala wushi kutya okaketha koye okanene okeli peni megumbo lwoye.

Oopulaka onene mokaketha kolusheno oya tulwamo hayi guko yoyene opo yivule okukelela oonkondo odhindji dholusheno. Na shino ohashi etwa uuna mwa holoka epuko nenge opulaka yahumbata uadhigu owindji.

Ngele egumbo lyaandjeni oyo owala lili po kalina olusheno tala kokaketha okanene wutale ngele opulaka onene oya gwako. Ngele oyagwako yishunithako.

Ngele okapulaka okashona oko kagwako ndele ina kagwithako opulaka onene shono otashi ulike kutya owatulako iinima oyindji koopulaka. Kuthako iinima yimwe ndele tokambadhala wu yi shunithako natango. Kuthako oopulaka adhihe (kakekele kopulaka onene mokaketha) ndele toluka opulaka onene, ngele opulaka onene inayi gwako totameke to tulako uupulaka ooshona, kooyomwe nooyimwe. Ngele owatulako opulaka ndjono yina epuko opulaka onene otayi guko nayo. Kuthako nenge dhima opulaka ndjoka yina epuko. Yi kaleka yadhima sigo omukwamalusheno ngoka apyokoka mikwamalusheno teya eyitale nokumona epuko ndyoka opo avule eli pangele. Pethimbo mpoka oto vulu okushunako oopulaka adhihe dhalwe.

Ngele omagumbo agehe geli moshitopolwa shoye ogadhima nago, shino otashi ti kutya opulaka onene ndyono tayi andjaganeke olusheno moshitopolwa shoye oyili yina epuko ndyono tashi vulika OPE eli nongela.

Aluhe kutha oopulaka dhomekuma nakehe hashilonga olusheno shafa ashike olusheno okululi uuna olusheno lwadhima omolwashoka ofalu vulu okugaluka ethimbo kehe.

11

Ino ninga...

Ikaleka kokule nokulongitha oongodhi dholusheno dha ehamekwa nenge iinima hayilongitha olusheno yine omitse dhopoluka dhoka hadhi yi mekuma kadhili nawa opo wu tuleko ompe.

Tango dhima opulaka yomekuma omanga ino kuthamo opulaka yongodhi ngoye ino kuthamo opulaka yongodhi to pamukalo gwoku hila kongodhi.

Ino ndothela nando iikunguluki kiikwamalusheno nenge kopulaka dhomekuma otashi vulu okulemaneka noku eta oku kwatwa kolusheno ano okushokingwa.

Ino pititha oongodhi dholusheno kiinima yina omayego gatsa ngashi iikwatenda mbyono tayi vulu okwethitha ekwato lyolusheno nenge eshokingo.

Ngele owuli momalimbililo kombinga yaashi shapitikwa noshagamenwa, ninga ekwatathano na OPE.

Ino longitha oongodhi dhokufala olusheno pondje ethimbo ele oshoka otadhi vulu oku ehamekwa konkalo yombepo oshowo kokunyengwa ethimbo kehe.

Ino londeka oopulaka odhindji kopulaka yimwe yomekuma shino otashi vulu oku eta uupyu owindji mbono ta wu vulu no ku eta omullilo.

Ino thiga iikwamalusheno kolusheno una olusheno lwagwako oshoka otashi vulu okulemaneka noku ehameka iikwamalusheno ngele lwagaluka.

Ino imbilipaleka kutya ondhima yolusheno inayi longekidhwa oyo ompito ombwanawa oku kwatakanitha nenge okundulukapo omukalo gumwe gwiili inagutambiwako palandulathano lyelongitho lyolusheno. Omukalo nguka kaguna egameno, nongele olusheno lwagaluka, nena shika otashi eta upyakadhi kolusheno monkalo yoshiponga kolusheno lwoye.

Ino tulamo nenge wugwedhele olusheno lwoye kungoye mwene, pula ehanganano lyashangithwa okulonga olusheno opo liku kwathele.

OSHITOPOLWA SHA C: NKENE WUNA OKUHUPITHA OLUSHENO



Okila/Oyisikasa



- Ino yi tula iinima oyindji! Ohayi longitha olusheno olundji.
- Ino tula oshiyekithoshuutalala shokila pevi inashi pumbiwa.
- Kuthamo iikangwa yomakuma guutalala iikando iyali momvula.
- Iikulya iipyu nayi talalepo manga omanga inoyi tula mokila.
- Thiga okila/oyisikasa yoye ya dhima ngele toyi mefudho ele.

Eshina lyoku enyeka



- Lilongitha owala okuteleka iikulya muupambu uushona no wopokati. Iipambu inene yi teleka mesiga.

Eshina lyokuyoga




- Eshina hali pithile iinima komeho ohali longitha olusheno olushona okuyeleka neshina hali pitithile iinima okuzilila pombanda.
- Gongela iikutu yakaka nenge yaludha sigo tayi ningi oyindji.

Oshikangule shomeya naashoka iha shi yi omeya



- Kangula iinima mbi hayi kangulwa nuupyu wuli pevi tango.
- Kangula iinima oyindji pethimbo limwe.
- Dhima oshikangule omanga ino mana okukangula ngoye tomanitha nuupyu mbu wapungulwa nale moshikangule.

Esiga lyokolusheno



- Longitha iilongitho yokuteleka mbyoka yina oondambo dhapepala ngoye todhi sikile nawa.
- Kaleka omwelo gwesiga gwa edhila sigo iikulya yapi.
- Ino longitha moka hamu yothelwa okuyothelamo omboloto.
- Omasiga naga kale haga kala gayela aluhe.
- Ino longitha esiga okundjeneka mokombitha.

Oradio yomuzizimba (otv)/ Odvd/oradio yuukaseta



- Ombandi yokudhima oyapumbwa okudhima thiluthilu nongele inayi dhima thiluthilu ohayi kala natango tayi longitha olusheno.
- linima mbika yidhima kopulaka yomekuma.

Okompiuta/ofax/oprinter



- Ino thiga nando okompiuta, ofax nenge oprinter yilale inayidhima uusiku auhe.
- Ninga okompiuta yoye hayi idhimi yoyene konima yomminute dhili ntano ngele itayi longithwa.

Oolamba nenge uumbiyona



- Shendja uumbiyona mbu ukulu namboka opo tawuya paife mpoka shapumbiwa (ta wu kupe uyelele wafa uumbiyona wo60-watt omanga olusheno olusheno nohaukala ethimbo ele iikando yapita po10).
- Aluhe dhima ondunda yoye ngele to zimo.

Oshiketitha



- Fulukitha ashike omeya nga wa pumbwa.

Ongodhi yopeke



- Tula ongodhi yoye kotjatjela una emanya lyapwa thiluthilu.
- Ino thiga nando ongodhi yoye kotjatjela uusiku auhe.
- Ongodhi yoye ngele oyatjatjele yuudha yikuthako kopulaka.

**OSHITOPOLWA SHA D:
OWE SHITSEYA NGA**



1

Okudhanena mokaketha nolusheno kaluli paveta

- **Kutya** una omuntu apiyaganeke ometa yolusheno, nokukelela okaketha kayalule olusheno ndu talulongithwa ohashi ifhanwa okupiyaganeke ometa noshili oshikulumuna. Kashili paveta.
- **Kutya** ngele omuntu eli pehala limwe ndele tagandja olusheno komuntu omukw awo eli kenkolo Iyi ili ohashi ifhanwa olusheno kaluli paveta, na osha talikako nasho oshikulumuna.
- **Kutya** ota vulu oku nothelako ombelewa yoShakati Premier Electric **ko065-220229** una wamona omuntu tadhanene mokaketha nenge agandja olusheno lwali paveta kapuna okuholola kutya ongoye Iye.

2

Okulanda olusheno

Kutya uuna to landa olusheno pomahala ngono haga landitha olusheno (Oneshila, Shali, NHE, MobiPay ,Kongodhi yopeke no sho tuu) oto mono olusheno lwafaathana noluthike naana polusheno tolulanda kombelewa yoOPE. Olusheno kaluna ondilo ngele tolu landa pomahala galwe ngoka uthilwa okulanditha olusheno.

3

Okukeka omiti

- **Kutya** ngele omiti tadhi koko kongodhi dholusheno ota shiv ulu oku gwithako olusheno pakathimbo nenge ethimbo ele ngele iitayi yanyenge oongodhi uunene tuu uuna ombepo tayi pepe.
- **Kutya** omiti ohadhi kekwa ku OPE oku kaleka iitayi yomiti kokule noongodhi dholusheno. Shino ohashiningwa okushilipaleka egameno noku andjaneka olusheno luna ongushu.

4

Odhime yolusheno

- **Kutya** uuna wa tsakaneke olusheno lwadhima ethimbo Iyilonga nenge konima yilonga, ninga ashike ekwatathano nendiki lyokulopotelwa omapuko lyoka hallongo oowili o24 esiku keshe konomola yongodhi **065-220229 nenge 065- 220745 oshwo kongodhi yoshali yo0819779.**
- **Kutya** endiki ndino ohali longo omasiku geli gaheyali koshiwiwe mwakwatelelwa omasiku gomafudho gowina.

5

Ekwatathano lyoongodhi

Kutya ekwatathano lyoongodhi dholusheno oondudhe noontilligane olyo ehupilalo melongitho lyolusheno lyono hali pifike oshilanduli shope thimbo pwahena ekondjitho nenge enanathano mokulongitha olusheno. Epuko ndyono hali etwa kesiga, koshiketitha shofee nokiniima ilkwawo oyindji. Okastoma nenge omuyakulwa owategelelwa wu tulombwele oshili kutya oshike shaningwapo, omolwashoka OPE ohayi gandja eyakulo ndika oshali.

6

Oongodhi dha ehamekwa

Kutya oongodhi dha ehamekwa ongele una okastoma yali tayi the ndele tayi lemaneke oongodhi dholusheno, nongele weshimono owu okushi lopota ku OPE opo ya vule okukonakona yo yeshi pangele. Eyakulo ndina nalyo ohali gandjwa oshali.

7

Oku hanagula iilonga nomaliko ga OPE.

Kutya kehe okustoma to mono omuntu ta yonagula nenge ta hanagula iilongitho yolusheno ya OPE owa pumbwa okushi lopota kehangano lyoku andjaganeka olusheno kehe, omolwashoka eyonagulo Iyilongitho yolusheno otali vulu okweeta odhime yolusheno.

OSHITOPOLWA SHA E: OMAPULO HAGAPULWA OLUNDJI

Olye ena okuninga eindilo lyolusheno na oyena oku etelela shike?



Onakuninga omaindilo ayehe oya pumbwa oku kala yena anomola dhomalukalwa gawo ngele taya ningi omaindilo. **Mwene golukalwa** – mwene golukalwa nakale omuntu ngu ashangelwa pehala mpoka ye nakale ena okamutse nenge opasspota yoyene.

Omuntu mbela ota vulu oku ninga eindilo lyolusheno pehala lyamwene gwehangano?



Omukalelipo kehe apitikiwa okukalepo ehangano ota vulu okuninga eindilo ngele okuna uukwatya tawu landula:

- onzapo ndjono tsyi ulike kutya ehangano lyeni olya shangithwa onga ehangano limwe lyomomahangano gomagumbo/
- ekotampango lyehangano lyeni,
- ombapila yuuthemba yoyene yana kuninga eindili (omukalelipo) oshowo okopi yomuwiliki gumwe gwehangano.

Ohashi kutha ethimbo li thike peni okugandja eyamukulo keindilo lyolusheno nokumona ombapila ndyono tayi ulike kutya iifuta oyithike peni?



Okugandja omayamukulo gomaindilo oha ku ikolele kiinima tayi landula:

- Omwaalu gwomaindilo ngono taga pumbwa omayamukulo
- Omakoleko gomaindilo ngele okuza kelelo lyondoolopa

Onda futa olusheno lwandje kOshakati Premier Electric ihe natango ondina okufuta ehangano lyokulonga olusheno lyo ehangano ndino olina ondilo shinene?

OPE oyina ashike oshinakugwanitha shoku gandja olusheno, okustoma oyo yina oku ulika ehangano hali longo olusheno ndyono lya ishangitha oyo li ku tulilemo olusheno. Ookastoma otadhi tsuwa omukumo opo dhilongithe omahangano ngano opo kushilipalekwe egameno mokulonga olusheno ngashi sha uthwa koompango nomalandulathano goku andjaganeka olusheno.

Omolwashike ndapumbwa okulongitha omahangano giilonga olusheno?



Oomahango gokulonga olusheno moNamibia oga pitikiwa opo gashilipaleke kutya aantu mba haye yalongele oyena uuhongelwe notseyo okulonga nokutulamo oongodhi dhomalusheno momalukalwa gaantu. Oshili shasimana kutya okwa kwashilipalekwa kutya omahangano gokulonga olusheno ogo galongithwa momudhingoloko gwoshitopoplwa shaOshakati nogeli gashangithwa natse, ehangano lyopashitopolwa lyokugandja olusheno olina oku shilipaleka iilonga mbokya shiikwatelela komulandu goSABS noguna egameno. Oshakati Premier Electric oyina okuyayitale iilonga yokutulamo olusheno momalukalwa shi ikwatelela komulandu goSABS yokutulamo ongodhi dholusheno momalukalwa.



OSHITOPOLWA SHA F: POOMAHALA MPA TOVULU OKULANDA OLUSHENO LWOYE

Omahala mpo to vulu okulanda olusheno

Ethimbo ndiha patulula

PoiFresh Mini Market PO NHE	08h00 – 21h00
PoRani Supa Dupa (Evululuko)	09h00 – 21h00
pOnhokolo (Okandjengedi Market)	09h00 – 21h00
poMobiPay	24 hours
Okulongitha omukalo gokulanda nongodhi yopeke	24 hours
poTusk Mobile	24 hours
poNetvend	24 hours
pOneshila Service nopo Ngalashe ya Shali	24 hours
Po Puma Service Station poomatungo goGame Complex	24 hours
PoThomas Filling Station (Uupindi)	24 hours





Ongodhi: 065 220229

Ofax: 065 222 688

Ondjukuthi yoposa:

PO Box 1594 Oshakati

Epandja gopaungomba:

www.ope.com.na

Konima yootundi dhiilonga

Kombinga yodhime yolusheno
ninga ekwatathano

Tel: 065 220745

Ongodhi yoshali: 081 9779

Owili dhiilonga

Monday- Friday

08h00-13h00

14h00-16h30